

Edizione diplomatico-interpretativa

86v	
[b] Ertrans de born si fo acomi(a)datz da soa dopna mado(m)pna mae(n)za. de mo(n)taignac. enoill te(n)c pro sa grame(n)z ni esditz quell fezes enco(m) tan ni enchantan. qella uolgre(s). creire qel no(n) ames naguiscarda. E si sen anet en santongne uezer mado(m)pna natibors de mo(n)t au sier. qera delas prezadas do(m)pna(s). qe fossen el mon. de beutat e de ualor e den seignamen. Ez aq(e)sta	Bertrans de Born si fo acomiadatz da soa dopna madompna Maenza de Montaignac e no?ill tenc pro sagramenz ni esditz qu?ell fezes en comtan ni en chantan q?ella volgres creire q?el non ames Na Guiscarda; E si s?en anet en Santogne vezter madompna Na Tibors de Montausier, q?era de las prezadas dompnas qe fossen el mon de beutat e de valor e d?enseignamen. Ez aesta
87r	

do(m)pna era moiller del seignor de charles (et) de berbesill e de motau ser. E b(er)trans sill fez reclam d(e) ma do(m)pna maenz qel auia partit d(e) si e nol uolia creire p(er) sagrame(n) ni p(er) esditz qel li fezes qel no uol gues ben anaguiscarda. esila p(re) get quella lo degues recebre per caualier ep(er) s(er)uidor. Mado(m)pna na tibors si con sauia do(m)pna quella era. Sil respondet en aisi . Bertra(ns) p(er) la razo qe uos etz ue(n)guz sai amai eu en sui molt alegra. egaia. ete(n)c mo agra(n)t honor. (et) dautra part sim desplai. ad honor me tei(n)g. qar uos mest uengutz uener. epreiar queu uos prenda p(er) caualier ep(er) ser uidor. (et) desplatz me molt si uos auez faich ni ditz so p(er) qe mado(m)p na maenz uos aia dat comiat. ni p(er) qe sia irada con uos. Mas eu sui aquella qe sai ben co(rn) se ca(m)bia tost cor en amador e en amairitz. E uos no(n) auetz faillitz uas dado(n) mado(m)pna maenz. tost en sabria la uertat. e si uos retornara en la sua gratia. E si en uos es lo fai

dompna era moiller del seignor de Charles et de Berbesill e de Motauser. E Bertans si?ll fez reclam de madompna Maenz qe l?avia partit de si e no?l volia creire, per sagramen ni per esditz q'el li fezes, q'el no volgues ben a Na Guiscarda. E si la preget q'ella lo degues recebre per cavalier e per servidor. Madompna Na Tibors, si con savia dompna q'ella era, si?l respondet enaissi: "Bertrans per la razo qe vos etz venguz sai a mai eu en sui molt alegra e gaia e tenc m?o a grant honor; et d?autra part, si?m desplai. Ad honor me teing, qar vos m'est vengutz vener e preiar q'eu vos prenda per cavalier e per servidor; et desplatz me molt si vos avez faich ni ditz so per qe madompna Maenz vos aia dat comiat ni per qe sia irada con vos. Mas eu sui aquella qe sai ben corn se cambia tost cor en amador e en amairitz. E vos non avetz faillitz vas dadon madompna Maenz, tost en sabria la vertat e si vos retornara en la sua gratia. E si en vos es lo faillimentz,

<p>llime(n)tz eu ni autra do(m)pna no vo(s) deu a coillir ni recebre p(er) caualer ni p(er) s(er)uidor. Mas eu farai ben aitan que uos ponrai ama(n)ticier (et) a farlo co(n) cordi entre uos (et) ella. B(er)trans si te(n)c molt p(er) pagatz de la respo(n)sion de mado(m)pna natibo(r)s. E promesli quel no amara mais autra do(m)pna si no mado(m)pna na tibors. si cosa era quel no pogues recobrar de mado(m)pna maens. E mado(m)pna natibors promes an B(er)tran qe sella nol podia acordar co(n) soa do(m)pna. quella lo recebria p(er) caualier ep(er) s(er)uidor. E non anet longa sazos qe madopna mae(n)z saup qe bertrans no(n) auia colpa. Et escoutet los precs qill eran faich p(er) emb(er)tran de born. sil tor net engracia de uezer lo e dau zir sos precs. Ez el dis econtet lo mantineme(n) qeill auia fait de mado(m)pna natibors. ella p(er)missi on quella auia fait ad ell. Do(n). Ma. mae(n)z li dis quel prez comiat de madona natibors. (et) qes fezes ab soluere las p(er)missios els sagram(en)z</p>	<p>eu ni autra dompna no vos deu acoillir ni recebre per cavaler ni per servidor. Mas eu farai ben aitan q?eu vos ponrai a manticier et a far lo concordi entre vos et ella". Bertrans si tenc molt per pagatz de la responsion de madompna Na Tibors e promes li q?el no amara mais autra dompna si no madompna Na Tibors, si cosa era q?el no pogues recobrar de madompna Maens. E madompna Na Tibors promes an Bertran, qe s'ella no?l podia acordar con soa dompna, q?ella lo recebria per cavaler e per servidor. E non anet longa sazos qe madopna Maenz saup qe Bertrans non avia colpa et escoutet los precs q?ill eran faich per Em Bertran de born, s?il tornet en gracia de vezer lo e d?auzir sos precs. Ez el dis econtet lo mantinem qe ill avia fait de madompna Na Tibors ella promission q?ella avia fait ad ell. Don ma Maenz li dis q?el prez comiat de madona Na Tibors et qes fezes absolvere las promissios els sagramenz</p>
--	---

<p>88r</p> <p>qeill auian faitz entre lor. don. B(ertran). de born. fez aquest sirue(n)tes. C Sabrils (et) foillas eflors. E si recor det lo socors qanet a domandar a mado(m)pna natibors (et) la coillime qe lla li fez dinz son repaire en una co bla quel dis. Dompna si eu qezi socor(s). Ez en las otras coblas blasmet lo rics baros qe ses donar. p(er) paor uo lian prez auer. eqo(m) non auses retrai re los mals qeill fazian. Ez autres qe basten uolian se far parer rics. autres p(er) tener cans (et) austors. Ez autres p(er) guerreiar laisson ioi e iove(n) (et) amor. Los autres p(er) los granz qe fazian als torniame(n)z on rau baue(n) los paubres caualers. (et) laissauan los granz faitz donor. E da questas razos fez aquest sirue(n)tes.</p>	<p>qe ill avian faitz entre lor. Don Bertrans de Born fez aquest sirventes: ?S?abrils et foillas eflors.? E si recordet lo socors q?anet a domandar a madompna Na Tibors et l?acoillime q?ella li fez dinz son repaire en una cobla quel dis: ?Dompna, s?ieu qezi socors?. Ez en las otras coblas blasmet lo rics baros qe, ses donar, per paor, volian prez aver e q?om non auses retraire los mals qe ill fazian; ez autres qe basten volian se far parer rics, autres per tener cans et austors; ez autres per guerreiar, laisson joi e joven et amor; los autres per los granz qe fazian als torniamenz on raubaven los paubres cavalers et laissavan los granz faitz d?onor. E d?aquestas razos fez aquest sirventes.</p>
---	--

• letto 321 volte

CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-1801>